

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126133](#)

Verum in fine videbitur cuius toni.  
Gloria enim, & honor & incorruptio  
querentibus, secundum patientiam boni  
operis, vitam aeternam: his aurem qui sunt  
ex contentione, & qui non acquiescunt  
veritati, ira & indignatio. Rom. 2. v. 7.

Deus noster hunc processum cum fide-  
libus suis instituit, ut afflictionem pre-  
mitrat, gaudium sequatur. Nemo enim cor-  
onatur, nisi legitime certaverit, 2. Tim.  
2. vers. 5. & per multas tribulationes oportet  
nos intrare in Regnum Dei, Actos. 14.  
vers. 22.

Diabolus vero vice versa sibi servienti-  
bus, honores, divitiae & gloriam pollicetur,  
quibus & fruuntur, sicut de Sodomitis  
dicunt: saturitas panis & felicitas tran-  
quillitatis, Ezech. 26. vers. 49. Ve-  
rum quando mundo valedicunt, locum ha-  
bet: Habent mercedem suam, Matth. 6. v. 2.  
abeunt enim ad progeniem Patrum suo-  
rum, & usque in aeternum non vident lu-  
cem, Psal. 49. v. 20.

Quod si tibi tuæ semitæ ostenderentur,  
quarum altera per pratum floridum duce-  
ret ad patibulum: altera per montem  
declivem ad regiam arcem, quam quæ-  
so eligeres? Nonne laboriosam ad ar-  
cem? Sic satius omnino est, hic cum San-  
ctis Dei affligi, quam cum mundo lætari:  
illud excipit aeterna lætitia, hoc semperna  
misera.

Sicut enim is, qui montem concendit,  
deinde quiete fruitur, & lætatur: Sic & nos  
si cum Christo montem crucis superave-  
rimus, requiescemos ab omnibus labori-  
bus nostris, Apoc. 14. v. 13. & in regia Chri-  
sti arce, de aspectu Dei lætabimur in aet-  
ernum, Psal. 17. v. ult.

## De Secundo.

**S**equitur Medita, que oritur

1. Ex crucis descriptione, quæ fidelibus  
in hoc mundo obvenit,

2. Ratione durationis. Christus enim vo-  
cat modicum, quod & revera est. Licet  
enim nonnunquam longiusculum videa-  
tur nobis, si non dicam ad menses, sed ad  
annos aliquot se extendat: attamen hoc  
nihil derogat. Ante Dei enim oculos  
mille anni sunt, tanquam dies hesterna,  
qui præteriit, & custodia in nocte, Psal.  
90. v. 5. Nulla quoque inter Passionem  
temporalem, & aeternam gloriam est pro-  
portio. Numerus enim dierum hominum,  
ut multum centum anni, quasi guttae aquæ  
maris deputati sunt, & sicut calculus  
arenæ, sic exigui anni in die ævi, Sir. 18.  
vers. 9.

Servivit Jacob pro Rachel septem an-  
nis: & videbantur illi pauci dies, præ amo-  
ris magnitudine, Gen. 29. v. 20.

Sic & nos Domino fideliter serviamus  
in functione nostra, crucem æquo animo  
juxta sustinentes, quò formosa Rachel po-  
tiamur, nempe vita aeterna, quam Deus da-  
turus est his, qui fidem suam nunquam mut-  
ant ab eo, Tob. 2. v. 18. Non enim sunt Pas-  
siones hujus mundi condignæ ad futuram  
gloriam, quæ revelabitur in nobis, Rom.  
8. v. 18.

2. Ratione operationis. Quando Dia-  
bolus & mundus Christum devorare &  
extirpare satagunt, vel inviti abitum  
ejus ad Patrem promovent: Sic & tri-  
bulatio salutem nostram promover. Oc-  
cideris me, beaveris me, inquit Polycarpus.

Mori

Mori enim Christianorum lucrum est ,  
Phil.1.vers.21.

**2. Ratione Compensationis.** Sicut enim mulier parturiens non perpetuos dolores patitur, sed & refrigerium suum habet, & cum peperit puerum , jam non meminit pressuræ , propter gaudium, quia natus est homo in mundum: Ita Ecclesia in his terris est veluti mulier parturiens, Apoc.12. v.1. & hora ejus quotidie venit, ut nihil nisi pericula & præsentissimam mortem ante oculos habeat , præcipue in ultimis his temporibus , ubi Diabolus vehementer furit, quia scit, quod modicum tempus habet, Apoc.12. v.12. Verum hoc solatio & gaudio ipsa fruitur, quod dolore & lamentatione ejus , quotidie novi homines subinde nascantur , qui quidem & ipsi in lachrymis feminant, sed portant pretiosa semina, & aliquando cum exultatione venientes venient , portantes manipulos suos, Ps.125.v.ultr.

**II. Ex Christi predictione.** Repetitò enim Christus asseverat , Amen , Amen dico vobis , quia plorabitis & flebitis vos . Hinc apparet, quod nihil fortuito nobis obvenire possit: sed ut Christus caput est Ecclesia sua , Eph.4. v.16. ita oculi ejus prævident, & lingua ejus prædicit, quod absque voluntate ejus , minimus capillus capitis laedi nobis non possit, Matth.10.v.30. Neque enim in Diaboli vel Tyrannorum protestate est, ut nos affligant , vel occident. Christus est Dominus crucis , qui omnia pro libitu suo dirigit. Ipse vocat crucem. 2. Reg.8.v.1. immittit, 2.Sam.24.v.15. quin & funiculum tendit, & quasi demetitur, quo usque extendere et debeat, Thren.2.v.8. Quia non in sempiternum repellit Do-

minus , etiamsi afflit : & miserebitur secundum multitudinem misericordiarum suarum. Non enim excruciat homines ex corde suo, Thren.3.v.31. sed quod agit, bono eorum agit, ut hoc modo à peccatis definant, 1.Petr.4.v.2. ad orationem excitentur, Isa.26. v.20. & ad salutem promoveantur, 1.Cor.11.v.19.

**III. Ex certâ evictione:** quod non semper cruce gravari , sed & eluctati rursus , & gaudio affici debeant. Eò spectat : Et vos igitur nunc quidem tristitiam habetis. Iterum autem video vos , & gaudebit cor vestrum , & gaudium vestrum nemo tollet à nobis.

Hæc beata illa Metamorphosis , quo crucem nostram aliquando excipiet , de quo nil dubitemus, Dominus enim dixit , quem impossibile est mentiri , Hebr. 6. vers.18.

Cum Josua Istrælitas in Palæstinam duceret, gaudio propterea superfundebatur, prædicabarque coram omni populo, quod Dominus verbum suum implevisset , dicens: Ne unum quidem verbum, quod illis præstirum se esse Dominus promisit, irritum fuit : sed rebus explexa sunt ompia, Jos.21.v.45.

Quando nos aliquando superatis hujus vitæ miseriis, coram facie Dei in cœlo apparebimus , multo magis causam habebimus veritatem ejus de prædicandi, dicentes cum Regina Arabiæ: Vincit præsentia factum, 1.Reg.10.v.7.

Huc igitur oculos nostros convertamus , nec moleste feramus , si in hoc mundo tribulatio nobis obveniat , certandum est, pugnandum est: Corona justitiae , 2.Tim.4.vers.8. Corona vita, A-

ll 2 poc.

poc.2.v.11. immarcessibilis corona gloriae,  
1.Petr.5.v.4. certissime exanilato certamine,  
ne, sequetur.

## De Tertio.

**S**equitur Cautela, quæ tribus absolvitur  
Regulis, quarum

I. Crucem patienter tolera. Omnes enim qui pie vivere volunt in Christo Jesu, persecutionem patientur, 2.Tim.3.v.12. Et veluti Israëlitæ, cum mare rubrum transgressi essent, non statim Palæstinam ingrediebantur: sed ante in deserto errabant. Ubi famem & siti sustinere, & cum truculentis hostibus decertare cogebantur, Exod.15. & seqq cap. Idem nobis accidit, quando per mare rubrum baptismi transivimus, ubi non statim in celestem Pálæstinanam pertingimus, sed ante in eremo hujus mundi multa adversa sustinere, & cum Diabolo mundo & carne certare tenemur, dum inquietum veniamus, & coronam iustitiae, quæ omnibus bonis athletis reposita est, consequamur, 2.Tim.4.v.8.

Hic audimus Christum ad discipulos loquentem: κλαύσετε καὶ θρηνήσετε. Hoc universale est prognosticum, quod in omnibus piis impletur: primam vocem emitimus plorantes, Sap.7.v.4. & licet quandoque Deus nobis risum faciat, Gen.21.v.6. atramen, rara hora brevis mora. Sumus hinc in valle lachrymarum, ubi pane lachrymarum cibamur, & sæpe lachrymis copiose potamur, Psal.80.v.6. Optimum ergo est, ut idem patienter feramus, juxta illud Sir.2.v.1.5.

In pluvia iter facienti, non mirum videri debet, si humescat. Sic vita nostra peregrina-

natio est, Gen.27.v.9. ideo non semper Solis amabili vultu frui possumus, sed quandoque imbres & nimbos sustinere cogimur. Sicut vero viator hâc spe alitur, eum, qui se humectavit, vicissim se siccaturum: Sic & nos cogitemus, eum quinobis onus imposuit, nos quoque rursus exoneraturum esse, Ps.68.v.20. Tob.3, vers.22.

In bello militantibus, non æreferendum, si à globulis & sagittis undique impetrantur: Vita nostra nihil aliud, quam militia est, ubi cum Diabolo, mundo & carne nobis pugnandum, qui certatum sagittas suas in nos detorquent, ut recte cum Paulo dicamus: intus pavores, foris pugnae, 2.Cor.7.v.5. Id nos non perturbet, sed excipiamus sagittas illas in patientia, & scuto fidei eas extinguiamus, quo omnibus perfectis palmam obtineamus, Eph.6. vers.13.

Qui Christi discipulus & Regni socius esse cupit, colorem ejus non aversari, sed stigmata ejus in corpore suo portare debet, Gal.6. vers.16. & tandem corpori claritatis ejus configurabitur, Philip.3. vers.ult.

Id omnes Sancti ab exordio mundi experti sunt, nemo exenitus fuit, ideo facile ratiocinari possumus, quod non meliores simus, quam patres nostri, 1.Reg.15.v.5. & propterea demensum nostrum etiam habituri, Act.9.v.16.

- - Sic itur ad astra.

Nam fidelis sermo: si commortui fuerimus, & convivemus, &c. 2.Tim.2. v.11.12.

II. Verba Christi pondera. Exemplo sine Apo-